

RITO RA XIKWEMBU EKA

MASIKU LAWA YO HETELELA

 Hakunene i nkateko ku vuyela endzahaku exikarhi ka vanhu lava va Spanish nakambe mixo lowu. Naswona ndza tivutisa loko Jim a ri karhi a swi kuma leswi. Oho, u le ku kumeni ka nkandziyiso. Ndza ha ri na wona nkandziyiso lowu khwayere leyintsongo ya Spanish yi nga wu endla loko ndzi ri kwala eku sunguleni na Makwerhu Garcia. Kutani ndzi rivele xinsin'wana lexi a va ndzi yimbelelala xona. Kambe, oho, hilaha ndzi swi tsakelaka ha kona sweswo! Kutani vana lavaya sweswi hinkwavo va kurile na ku tekana. Ndzi twa ku suka eka vona nkarhi na nkarhi. Naswona ndzi nghenile mixo lowu kutani ndzi vona Joseph lontsongo, naswona sweswi hakunene swi endlile swin'wana eka mina, naswona hakunene a ndzi tsakile ku ku vona.

² Kutani, sweswi, ndzi na rito rin'we leri ndzi nga ri vulaka hi Spanish. Xana mi nga tsakela ku ri twa? "Haleluya!" Ndzi nge pfuki ndzi ri rivele rito leri. A ndzi ri karhi ndzi ringeta ku endla leswaku wansati loyi a nga twiki a ndzi twa nkarhi wun'wana. Sweswi, ndzi nga ha vula leswi hinkwaswo hi ku hoxeka, ma swi vona, kambe swo antswa ku tlurisa leswi ndzi swi tsundzukaka a ku ri "oye." Hi swona sweswo? Ndzi *yingise. Yingisa*, "oye." Naswona mi nga pfuki mi rivele, "Gloria a Dios!" Ntsena swi sasekile! Oho, ndzi vile na nkateko wa ku va ehansi le ntindsightza, Mexico City, ku vulavula na vona kwalahaya. Hilaha a ndzi tsakile hakona! Naswona a tshamela ku . . .

³ A ndzi ri eFinland endzhaku ka loko ndzi vile lahawani. Naswona minkarhi hinkwayo swi ndzi tsundzuxa hi ku vulavula na wansati lontsongo wa Mufinnish. Va ndzi tekile ku ya eka leswi va swi vulaka "bethany." Tiko rin'wana na rin'wana ri na mavonele ya rona. (Ndzi, xana mi le ku kumeni ka ngulumelo, ndzi le kusuhi ngopfu na xexo? Xana mi swi twa kahle xana? Hi swona sweswo.) Wansati loyi lontsongo, a ri ximunhwana xo rhandzekwa. Kambe a fana na mina, a tsakela ku vulavula ngopfu. Kutani mutoloki . . . wansati a vulavula hi ku hatlisa swinene, naswona—naswona mutoloki a nga ta swi vula hi ku hatlisa ku ringanelia eka leswi wansati a lava ku swi vurisa xiswona. Kutani a ta yima ivi xikandza xa yena xi va na mafelangati, a ku, "Ndzi swi ngheniserile vanakulorhi eBabilona."

⁴ Kambe, ma swi tiva, ndzi xiyisisile leswaku hinkwaswo e—e swinyenyana swi yimbelela hi Xinghezi, timbyana ti vukula hi Xinghezi, vana va rila hi Xinghezi. Ndza tivutisa leswaku i yini

xiphiko hi hina hambiswiritano. Kambe un'wana na un'wana wa hina u ehleketa leswaku ririm i ra hina—hina ri tava ririm i ra Mileniyamu, hakunene. Kambe hina lava nga amukela Moya lowo Kwetsima, walowo i ntisiyo, hikuva hi na ririm i ra le Tilweni.

⁵ Hi na Makwerhu Rowe lahawani na hina mixo lowu, mudiplomati ku suka eWashington. Ndzi pfumela leswaku u tirhile ehansi ka ntlhanu kumbe ntsevu wa Tipresidente, nkombo wa Tipresidente. Naswona mi tiva hilaha ndzi titwaka hakona ku yima eka ley, eka platifomo ley, ndzi vulavula, na wanuna wo kotisa yaloye a tshameke endzhaku ka mina. Kambe vumbhoni bya yena minkarhi hinkwayo a byi ri lebyi nga kahle ngopfu eka mina, naswona ngopfu-ngopfu loko a... Ndzi pfumela leswaku a ri Mulutheran, loko ndzi nga hoxisi, ku ngava Mukhathoki kumbe Mulutheran, Mulutheran. Naswona u vurile leswaku u... swin'wana mayelana na ku kasa ehansi ka tende enhleneletanweni ya Xipentekosta, kutani a tlakuka... Eku heteleleni u tekile ndlala ya yena ku ya e altarini, kutani, loko a swi endlile, Hosi yi xikerile ehenhla ka yena kutani yi n'wi katekisa swonghasi lero... Ndzi ehleketa leswaku u kota ku vulavula hi kwalomu ka nkombo wa tindzimi to hambana-hambana. Naswona u vurile leswaku u ringetile yin'we, "yi nga tirhi," kutani a ringeta yin'wana, "yi nga tirhi." Kutani ndzi tshembha leswaku wa swi kota ku vulavula hi Spanish ku fana na hilaha hinkwenu ka n'wina mi nga swi endlaka. Swingaleswi u—u ringetile hinkwato ka tona, naswona a ti nga ta tirha. Kutani, ma vona, ma tiva ku ri i yini, Xikwembu a xi ri kahle swonghasi, Xi xikerile ehansi kutani xi n'wi nyika ririm i leri nga se tshamaka a ri ringeta, a ku, "Ra tirha!" Hi swona sweswo. Ndzi ehleketa leswaku yaleyo i ndlala ley i swi nga ta va xiswona eka tlhelo lerin'wana.

⁶ Mikhumbhulo yo tala ley i ndzi yi khomaka embilwini ya mina ya kereke leyintsongo le henhla, ndzi pfumela leswaku yi... oho, ndzi rivala laha yi nga kona. Yi kona kwala kun'wana ekusuhi na Tonto Street. Kutani ndza swi tsundzuka sweswo. Ndzi kota ku ehleketa hi rito "Tonto Street," laha Spanish Apostolic church a yi tollovelekile ku va kona.

⁷ A ndzi ri karhi ndzi byela mufundhisi leswaku, "Leyi yi ngava ndhawu ya kahle ngopfu ku va na mpfuxelelo," vuako byo tala, kereke yintshwa, vanhu va kahle. Swingaleswi ndzi ehleketa leswaku yi ta va entileni wa mpfuxelelo siku rin'wana. Mi swi khongeleta sweswo, mi ta mi ta va na mpfuxelelo. Sweswi, ndza tshembha leswaku ko va ku vuyelela ka leswi hi ngava na swona le kerekene leyin'wana. Ndzi tsundzuka loko ndzi yimile ejaratene, ndzi tiseketerile hi fense, ehenhla na le hansi ka switarata, eka ku ringeta ku suka lahaya ni vusiku, hakunene a ku ri nyanyuko lowu ndzi nga se tshamaka ndzi wu rivala. Naswona ndzi na e—e nkandziyo wa vamanana lavantsong,

vamhani na vamakwerhu lava va nga yimbelela na ku endla nkandziyiso. Kutani a va ta ringeta ku yimbelela “Pfumela Ntsena,” naswona a va nga ri humeseli ehandle kahle, ma swi tiva. A va ta ku, ematshan’wini ya ku “pfumela ntsena,” a va ta ri humesela ehandle “yeonea pfumela,” ma vona.

⁸ Naswona ndzi tsundzuka Rebekah, nhwana wa mina, Sarah, naswona hambiswiritano va ri, “Papa, yimbelela, tlangisa nkandziyiso luwa wuntsongo wa lavantsongo...” Ematshan’wini ya ku vula “Spanish,” a va nga swi koti ku vula rito leriya, va ku, “vanhwenyana va Xipinichi, vanhwenyana lavantsongo va xipinichi lava va yimbelelaka ‘Pfumela Ntsena.’”

⁹ Kunene, ndza tsundzuka leswaku a va landzelela nhlengeletano. Mpfxeleso a wuri kona nkarhi wa kona, naswona a va landzelela nhlengeletano ndlela hinkwayo ku ya eWest Coast. Naswona mina... nchumu lowuntsongo wu khomelerile embilwini ya mina loko hi suka eCalifornia, Makwerhu Moore na mina, na Makwerhu Brown, le henbla entsindza. Kutani loko ndzi rhelerile hi muako luwa vusiku byebyo, vana lavaya a va yimile lahaya va ri karhi va yimbelela leswaku, “Xi na mhaka na wena.” Mi swi twile. “Eku vangameni ka dyambu kumbe mindzhuti, Xi na mhaka na wena.” Minkarhi yo tala eka tinxaka timbe, ehenhila ka timbala ta nyimpi ta madzalonga ya misava, ku ringeta ku tisa Hungu ra Kreste, a ndzi ta tsundzuka vanhwanyana na vafana lavaya a va ndzi yimbelela risimu leriya, “Xi na mhaka na wena. Eku vangameni ka dyambu kumbe mindzhuti, Xa ha ri na mhaka na wena.” Swingaleswi wolowo wu vile huhutelo lowukulu, mpfuneto.

¹⁰ Ku hlangana na mufundhisi wa n’wina wa kahle, na ku tsaka swinene hi ku vona leswaku kereke ya hanya naswona mi na muako lowu lowukulu wo saseka lahwani, wu tshamisile hinkwenu, tindhawu to hlaya to paka kona. Ntsena i ndhawu ya xiviri emavokweni ya Moya lowo Kwetsima, loko ntsena hi nga endla leswaku Wu yi vona na ku tiva leswaku hi le ku vitaneni ka mpfxeleso. Wona, ndzi pfumela leswaku Wu ta hi nyika wun’we.

¹¹ Sweswi, vusiku lebyi hi le kerekenei ya Makwerhu Outlaw, kerekenei ya Jesus Name, le tlhelo lerin’wana. Kutani Makwerhu Outlaw, ndzi pfumela eka... i kerekenei ya Apostolic, na yena. Ndzi ehleketa leswaku ntsena u vitana vito ra yena, kerekenei, Jesus’ Name. Ndzi ehleketa leswaku i muapostola hi ku pfumela. Swingaleswi hi ta va kwalahaya vusiku lebyi. Kutani sweswi a hi le ku byeleni ka kerekenei ya Spanish, “sweswi tanani lahaya,” hikuva mi tshama emhandzini ya ntirho wa n’wina. Kutani ku ta va na ku hlangana lokukulu ka Christian Business Men, ku sukela hi Ravumune, endzhaku ka loko swikhongelo swi pfarile etikerekenei letin’wana, hi Ravumune. Kutani khonivhexini leyi, va tava na swivulavuri swa kahle swinene, swingaleswi Oral

Roberts, na makwerhu un'wana wa Methodist loyi a nga ha ku ponisiwa, naswona va koxa leswaku hi yena xivulavuri xa matimba. Kutani ndza tshembha leswaku mi ta tiphina hi tikhonivhexini leti. Na n'wina vakondlo-a-ndzi-dyi, va na ku hlangana lahaya ka vakondlo-a-ndzi-dyi na vona, tani hilaha makwerhu a nga ha ku tivisa. Ndzi le ku yiseni ka vana va mina lahaya leswaku va ta nghenelela eka leswi. Swingaleswi sweswi tanani, hi ta tsaka ku va na n'wina. Hosi yi mi katekisa hinkwenu.

¹² Kutani sweswi ndzi lava ku pfula eBibeleni kutani ndzi hlaya rin'wana ra Rito ra Xona lero kateka. Naswona ndzi hlawurile emixweni lowu, ntsena eka xinkadyana, a ndzi lavi ku mi khomeleta nkarhi wo leha ngopfu, matsalwa man'wana, naswona rin'wana ra wona ri kumeka eka Samuel wo Rhanga, lerin'wana ri kumeka eka Esaya. Naswona ndzi ta tsakela ku hlaya ku suka eka Esaya ku sungula. Naswona ndzi . . .

¹³ Xana mi swi twa kahle, hinkwako-nkwako? Kwala xikarhi ka switeka-marito leswi, swi tikomba swi ndzi twa ngopfu, a ndzi tivi leswaku hikokwalaho ka yini. Mi swi twa kahle kwaleno, yimisani mavoko ma n'wina. Swi kahle, swi kahle.

¹⁴ Sweswi, ntsena ndzi na mabvarabvara nyana, hakunene, sweswo swi suka eka ku vulavula ngopfu. Naswona hi mpfhuka ka loko ndzi vile lahawani na vamakwerhu lava va Spanish, kwalomu ka khume ntsevu wa malembe lawa ya nga hundza, ndza tshembha, kumbexani kwalomu ka khume ntsevu kumbe khume nkombo wa malembe lawa ya nga hundza, kunene, ndzi vile ndzi ri karhi ndzi chumayela hi mpfhuka ka sweswo. Swingaleswi a ndzi karhele nkarhi wa kona, ndzi vurile, naswona ndza ha karhele, kambe ndzi tama ndza ha ya emahlweni hi tintswalo ta Xikwembu.

¹⁵ Sweswi a hi pfuleni eka Esaya 40, kavanyisa ka vu40 ka Esaya; na kavanyisa ka vu1, kumbe kavanyisa ka vu3 ka Samuel wo Rhanga. Kutani loko ha ha khomile tindhawu ta ku hlaiya ka Rito, ndzi nga tsakela sweswi ku va hina hi korhamisa tinhloko ta hina ntsena xinkadyana xa xikhongelo.

¹⁶ Tatana wa hina wa le Matilweni, hi khensa swinene namunthla hikokwalaho ka nkateko wa ku yima exivandleni lexi xo hlawuleka xo saseka lexi nga nyiketiwa eka Xikwembu na le ka ntirho wa Xona. Kutani tani hilaha hi swi tivaka leswaku malandza ma Wena ma yimile endzhaku ka platifomo leyi lahawani kumbe phuluphiti minkarhi yo tala, naswona hi vutomi lebyi nga tinyeketela entirhweni wa Wena.

¹⁷ Na leswaku *leswi*, mixo lowu, swi vuyisela minkhumbhulo endzhaku, minkhumbhulo ya mpfuxelelo lowu ntsena a wu ri eku sunguleni, hi Moya lowo Kwetsima lowu wu nga xikela ehansi hi xivumbeko xa Rivoningo lerikulu, kukotisa Langavi ra Ndzilo, naswona Ri vulavurile leswaku Hungu ri fanele ku

kukula misava. Kutani sweswi namunlha sweswo i matimu. Hungu ri khomile ndzilo hi vavanuna lavakulu, endzhaku ka ku Ri vona, kukotisa Oral Roberts na Tommy Osborn, na Tommy Hicks na van'wana vo tala. Kutani hi matshalatshala lawa hi nga ma veka kun'we emahlweni, ha swi vona leswaku Hungu ri vekile mindzilo ya mpfuxelelo etikweni rin'wana na rin'wana ehansi ka Tilo, wa Hungu ra xipentekosta. Eka leswi hi nyika ku khensa na ku dzunisa eka Wena, O Xikwembu xa Matimba.

¹⁸ Kutani sweswi namunlha ha khongela leswaku U ta toloveta timbilu ta hina, ku lulamela ku Vutliwa lokukulu loku ku nga ta humelela ku nga ri khale, ha pfumela. Kutani loko ku ri leswaku timbilu ta hina a ti le ka xiyimo xa sweswo kumbe xa swin'wana na swin'wana leswi U nga hi hlaysela swona, ha khongela leswaku U hi rivalela milandzu ya hina, naswona u vulavula na hina namunlha hi Rito ra Wena. Katekisa mufundhisi wa kereke leyi, madiyakoni ma yona, mathirasti, na hinkwavo vanhu ntsena, swirho. Katekisa khwayere leyi leyintsongo, na muchayi wa piyano, vayimbeleri. Hi ku katsakanya, katekisa lava va nghenaka etigedeni ta ndhawu leyi. Ingaku va nga huma va cincile nkarhi wun'wana na wun'wana, swintsongonyana ekusuhi na Wena ku tlula leswi a va ri xiswona loko va nghena. Hi nyike swona, Tatana. Naswona ingaku sweswo swi nga va tano, hambi ku ri mixo lowu, hikuva hi swi kombela hi Vito ra Yesu. Amen.

¹⁹ Sweswi ku pfula eBukwini ya Esaya, kavanyisa ka vu40, hi hlaya.

*Chavelelani, chavelelani tiko ra mina, ku vula...
Xikwembu.*

*Vulavulani marito yo chavelela eka Yerusalem,
kutani mi n'wi huwelela, leswaku vukhumbi bya
yena byi herile, leswaku ku homboloka ka yena ku
rivaleriwile: hikuva u rhiwile kambirhi hi voko ra Hosu
hikokwalaho ka... swidyoho swa yena.*

*Rito ra loyi a huwelelaka emananga, Lunghisani
ndlela ya Hosu, khulelani mananga e ndlela ya
Xikwembu xa hina.*

*Nkova wun'wana na wun'wana wu ta tlakusiwa,
ntshava yin'wana na yin'wana ni xitsunga xin'wana na
xin'wana swi ta mbundzuxiwa: nakona ku gombonyoka
ku ta lunghisiwa, na tindzhawu leti nga fambekiki ti
endliwa rivala:*

*Kutani ku kwetsima ka Hosu ku ta paluxiwa, kutani
nyama yin'wana na yin'wana yi ta ku vona: hikuva
nomu wa Hosu wu vurisile.*

Sweswi eBukwini ya Samuel, Samuel wo Rhanga, kavanyisa ka vu3, ndzi lava ku hlaya ya vu1, vu2, na ndzimana ya vu19:

Kutani wandzisanyana Samuel a tirhela Hosi emahlweni ka Heli. Kutani rito ra Hosi a ri kala emasikwini lawaya; a ku nga ri na xivono xo pfuleka.

Kutani swi humelerile hi nkarhi wolowo, loko Heli a etelele endlwini ya yena, kutani mahlo ya yena ma sungurile ku phumela, a nga ha voni;

... haya rivoningo ra Xikwembu ri nga se timeka etempeleni ya Hosi, laha areka ya Xikwembu a yi ri kona, kutani Samuel a etlerile ehansi;

Hosi a vitana... yena a hlamula, Hi mina loyi.

Ndzimana ya vu19:

Samuel a kula, kutani Hosi yi ri na yena, kambe A nga tshikanga rito rin'we ra marito hinkwawo ya yena ri wela ehansi.

²⁰ Oho, yalawa ya ta va ya ri matsalwa yo ringanelala lawa hi ma vulavulaka lahawani ku ringana n'hweti, naswona hi nga koka tinhlamuselo to tala ku suka eka tsalwa leri ro kwetsima. Kambe emixweni lowu, kutani ntsena hi na kwalomu ka makume mbirhi wa timinetse ku va hi huma hi nkarhi lowu faneleke ku suka eka ya hina... Ndzi tshembha leswaku xikolo xa Sonto xi herile kumbexani xi landzela endzhaku ka leswi, a ndzi swi tivi. Kambe, hambiswiritano, ndzi lava ku tirhisa tsalwa ra, *Rito Ra Xikwembu Eka Masiku Lawa Yo Hetelela*.

²¹ I nkarhi wa kahle swinene. Hi lemuka leswaku laha hi hlayaka kona ku suka eMatsalweni, leswaku ma te, "A ku nga ri na xivono xo pfuleka hi masiku ya Samuel." Hikokwalaho, "Laha ku nga riki na xivono," Bibele yi te, "vanhu va lova." Hi fanele ku va na xivono. Naswona swivono swi ta eka vaprefeta, naswona i Rito ra Hosi leri vuriwaka eka vona.

²² Kutani hi kuma leswaku Heli a nga ri muprefeta, Heli a ri muprista. Nakona a ri karhi a khalabya, naswona mahlo ma yena a ma sungula ku phumela, naswona a nga koti ku vona ku va a rhendzeleka, a ri wanuna lonkulu wo tika. Kutani a sungurile ku tshika ntirho wa Hosi wu famba wu nga endliwanga.

²³ Naswona wolowo i nchumu lowu wu nga tani hi leswi swi nga xiswona namuntlha. Ndzi ehleketa leswaku kereke, vandla na tidinominexini, swi vile ensin'wini nkarhi wo leha, naswona swi le ku sunguleni ka ku debya. Kutani ntirho wa Hosi wu tshikiwa wu nga endliwanga, Rito ra Ntiyiso, hikuva kereke, yona n'winyi, yi hundzukile ya riphume. Kutani hi lava, namuntlha, Rito ra Xikwembu ku va ri vulavula exikarhi ka hina, ri hi tlherisela endzhaku.

²⁴ Kutani, ma vona, Heli a tshamile ehansi, naswona e...ku vona ka yena a ku ri eku tsandzekeni. A ri muprista. Naswona a va nga ri na xivono xo pfuleka ku suka eka Hosi. Naswona xilaveko lexo tano!

²⁵ Kutani Xikwembu xi tshembhisile ku fikelela xilaveko xa awara. Xa swi endla minkarhi hinkwayo. Naswona hi lava Rito ra Xikwembu namuntilha, ku va ri fikelela xilaveko xa awara, ku fikelela nkarhi lowu hi nga eku hanyeni eka wona. Kutani endzhaku ka loko Xi swi tshembhisile, hi nga wisa hi tiyile leswaku Xi ta hlayisa xitshembhiso xa Xona. Wolowo i ntshembho lowu mupfumeri a nga na wona eka Mutumbuluxi wa yena, leswaku U tshembhisile ku fikelela xilaveko.

²⁶ Kutani, namuntilha, xivangelo xin'we lexi kereke yi nga eka xiyimo lexi yi nga eka xona, hikokwalaho ko va ku ri na marito yo tala, marito man'wana mo tala mo koka rinoko ra kereke ku suka eka Rito ra Xikwembu, ku kondza swi kanakanisa swinene leswaku vo tala va nga twa Rito ra Xikwembu hambi loko Ri vulavurile exikarhi ka vona. Kumbexani a va nga ta kala va Ri twisisa, hikuva a Ri tava ri ri rimbe eka vona. Va tinghenisile exikarhi ka marito ya siku!

²⁷ Kutani loko hi xiyisisa, eku hlayeni ka Matsalwa ya hina, leswaku Rito ra Xikwembu a ri ri rimbe eka vona.

²⁸ Naswona swi hundzukile hi ndlela yaleyo nakambe namuntilha, leswaku Rito ra Xikwembu...Ku na marito man'wana mo tala ngopfu. Kutani loko Xikwembu xi tshembhisile leswaku Xi ta hi nyika Sweswo, naswona loko marito laman'wana ma hambana na Rito ra Xikwembu, kutani ku fanele ku ri rito ra nala, ku va ri hi pflunganya, leswaku hi nga koti ku twisisa Rito ra Xikwembu loko Ri vulavula.

²⁹ Kutani ha swi lemuka leswaku a ku ri nchumu lowu yelanaka na lowu a wu ri na Heli na Samuel, kambe Heli u swi lemukile xikan'we-kan'we leswaku a ku ri Xikwembu. Naswona a ku ri e-e xisandzu hi ku hetiseka eka Heli. Hikuva, Rito ra Xikwembu, loko ri vulavula na Samuel, ri n'wi byerile hi swendlo swa Heli swo hoxeka, hikuva u lemile majaha ma yena, naswona a va ri karhi va teka mali na—na nyama ku suka eka minhlengo. Sweswo a swi nga lulamanga. Naswona a va endla swilo swo hoxeka, swo hambana na Rito ra Xikwembu.

³⁰ Kutani Samuel a ri na...nchumu wun'we ntsena lowu Samuel a ta wu endla, a wu ta vulavula leswi swi nga xiswona. Kutani a sihalala ku endla tano, hikuva a swi lwisana na ndhawu yaleyi a rhumeriwile ku va a ya kurisiwa kona, Heli na le tempeleni. Kambe Heli u te, "Vulavula." Ma vona? Kutani u n'wi byerile hi ku hetiseka ka leswi a swi ya eku humeleleni, leswaku Samuel...kumbe, "masiku ma Heli a ma herile, tani hi muprista," hikuva Xikwembu a xi vulavurile, naswona Xikwembu a xi ri karhi xi rhumela Hungu ra Xona hi Samuel wa muprofeta. Ku tsvariwa loku nga tollovelekangiki, a nyiketiwa eka Hosi ku sukela evuhlangini. Xikwembu xi vulavurile na yena, tani hi n'wana, naswona a xi ri karhi xi n'wi lulamisela

ntirho lowu a wu tshamile emahlweni. Naswona nkarhi wa Heli a wu ri karhi wu hetisela.

³¹ Ku na marito mo tala swinene emisaveni namunlha, leswaku hakunene i nchumu wo tika, hikuva wu dlaya Rito ra leswi nga eHenhla ka ntumbuluko. Ku na marito mo tala swinene ma swa vutlharhi, marito ma kahle ma vavanuna va matimba lava va nga tintlharhi, leswaku, eka swiyimo swa vona swa vutlharhi, va ninginisa hambi ku ri matiko. Ntsena a vo va vanhu lavo ngo tumbuluka sweswi, kambe va ninginisa matiko, va tisa mavandla lamakulu kun'we, mapfhumba lamakulu, ma swiluva. Kutani munhu a nga va loyi a pfilunganyekeke swintsongo. Swi ringanerile ku va pfilunganya, swa hilaha swilo leswi swi yaka emahlweni na ku humelela. Naswona ku na marito lawa—lawa ya pfukaka na ku endla swilo leswi, kutani swi vanga leswaku Rito ra Xikwembu ri vekiwa le ndzhaku kun'wanyana, Rito ra ntiyiso ra Xikwembu.

³² “Kutani Rito ra Xikwembu,” va ri, “xana hi ta swi tiva njhani leswaku i Rito ra Xikwembu?” Hikuva, eka namunlha . . . Kutani a ri ri eka muprefeta loyi a tiyisisiweke. Sweswi, namunlha, hilaha hi swi tivaka leswaku i Rito ra Xikwembu, hikuva i ku vonakarisiwa ka Rito ra muprefeta. *Loyi* i muprefeta wa Xikwembu. Naswona Rito ra ntiyiso ra Xikwembu ri vuyisela ntsena lexiya xa xiviri, lexi hanya, Xikwembu lexi nga eHenhla ka ntumbuluko, na Rito ra Xona leri nga eHenhla ka ntumbuluko, na ku vonakarisiwa loku nga eHenhla ka ntumbuluko ka Rito ra Ntiyiso. Kutani ha swi tiva leswaku i Rito ra Xikwembu. Hikuva, naswona leswiya swi nga eHenhla—. . . Ku na swo tala swonghasi swin’wana eka swivandla leswin’wana, leswi ntsena hakanyingi swi Ri dlayaka. Kambe, tsundzukani, Ri ta vangama, Ri ta humelela! Ri ta swi endla.

³³ Sweswi, ku na rito namunlha emisaveni ya tipolotiki. Lero i rito lerikulu. Kutani vanhu, hi ku hetiseka, eka siku leri lerikulu ra tipolotiki, va ta . . . Hinkwaswo swi hlangananile etikerekeni ta vona na hinkwaswo. Naswona minkarhi yo tala, sweswo ha ha ku swi vona ku nga ri khale, leswaku rito ra tipolotiki kahle-kahle ri tiyile ku tlula Rito ra Xikwembu etikerekeni, kumbexani vanhu va le Amerika a va ta va va nga kalanga va swi endla leswi va ha ku swi endlaka. Ma vona? A va tava va nga kalanga va swi endla. Loko Rito ra Xikwembu a ri lo hlayisiwa ri hanya ekerekeni, a va ta va va nga kalanga va swi endla swihoxo leswiya. Kambe rito ra tipolotiki ri na matimba swinene emisaveni namunlha ku tlula Rito ra Xikwembu, ku kondza vanhu va xavisa mfanele ya vona ya ku tswariwa ya Vukreste hikokwalaho ka thyaka ra ku duma, dyondzo, na matimba ya tipolotiki. I tingana swonghasi ku swi vona. Nchumu walowu tiko ra hina ri nga endliya hi wona, leswi ri nga endliya eka swona, vanhu va hundzulukerile endzhaku na—na ku vhotela nchumu lowu hi nga wu siya etikweni lerin’wana.

Kutani e—kutani e Plymouth Rock, na *Mayflower* na swona, swi ta lahwani na—na ku simeka ikhonomi leyikulu leyi hi nga na yona. I nchumu walowu hi nga lwa hi matimba swonghasi ku huma eka wona, hi tihoxile endzhaku eka vufumbarheti bya wona, hikokwalaho ko va Bibele yi vula leswaku swi tava hi ndlela yaleyo.

³⁴ Kutani mafambisele ma Heli: muprista ematshan'weni ya muprofeta. Muprofeta i Rito. Naswona muprista a ri kereke.

³⁵ Kutani swi fikile eka ndhawu yo tano ku kondza swi sungula ku debya laha Rito ri nga va rimbe eka vanhu. A va Ri kumi. Kutani mi nga Ri vulavula, naswona a va Ri twisisi, hikuva a va dyondzisiwanga eka Rona. Paul u te, “Loko nanga yi nyika mpfumawulo lowu nga twisisekiki, xana i mani loyi a nga ta tiva ku tilulamisela nyimpi?”

³⁶ Vanhu va leteriwile eka e—e—e rito ra kereke, nanga ya kereke, “Hi na swo tala eka xikolo xa hina xa Sonto ku tlula leswi lavan’wana hinkwavo va nga na swona.” Sweswo a swi vuli nchumu. “Hi na swo tala eka dinominexini ya hina ku tlula leswi lavan’wana hinkwavo va nga na swona. Hi hina lavakulukumba ku tlurisa exikarhi ka tidinominexini.” Ma vona, wolowo i muxaka wa rito leri vanhu va nga leteriwela eka rona. Exitarateni, va ya ehandle ku ya kuma vanhu na ku va tisa endzeni. Makume ya magidi ku andzisa hi magidi eka pfhumba lerikulu, va va nghenisa. Xana va tsakisiwa hi yini? “Hi na kereke leyikulu ku tlurisa. Hi na nhlengeletano leyikulu ku tlurisa. Hi na xikolo xa Sonto lexi nga na swirho swa le henbla ku tlurisa. Hi na meyara wa doroba a taka ekerekene ya hina.” Sweswo swi nga va swi ri kahle hinkwaswo, kambe loko kereke leyi fanaka yi nga leteriwanga eRitweni ra Xikwembu, Nanga ya Evhangeli, xana hi swihi swa kahle leswi yi swi endlaka?

³⁷ Kutani loko nchumu wu pfuka ntsena tani hilaha wu nga pfuka eka mfumo wa hina, xana ku humelerile yini? Kereke a yi nga ri tivi Rito ra Nanga, naswona a va nga swi tivi leswi va nga swi endlaka. Xitshembhiso lexikulu xa ku humelela, xihontlovila xa vutlharhi lexi nghenaka endzeni, naswona va yile kwale henbla ka nchumu walowu Bibele yi nga wu vhumbha, na ku wu nghenisa endzeni. Ma vona, rito ra xipolotiki! Kutani ri khorwisile leswaku ri kavenyetile Rito ra swa vukhongeri, kumbe a va ta va va nga swi endlanga leswi va nga swi endla, Rito ra Evhangeli. Hikuva hi tshembhisiwile hi ta swilo swo tala, hi tshembhisiwile ku humelela, naswona a ku na ku kanakana kambe hi leswi hi nga ta swi kuma.

³⁸ Kambe, hambiswiritano, sweswo a swi vuli nchumu eka mupfumeri. Pfulaní eka Buku ya Vaheveru, eka kavanyisa ka vu11, mi yingisa Mukwetsimi luya Paul loko a vulavula, hilaha va nga, hi masiku lawaya, “Va nga tsendzeleka hinkwako va

ambele madzovo ya tinyimpfu ni ya timbuti, a va ri swisiwana, va nga ri na ndhawu, a va nga ta nghena edorobeni.”

³⁹ A ndzi ri karhi ndzi hlaya eka Nicaea Council, loko mhaka leyikulu yi ta pfuka eNicaea, Rhoma, madzana manharhu ya malembe endzhaku ka rifu ra Kreste, eNicaea Council leyikulu, loko kereke leyikulu leyi a yi yimela leswi a swi lulamile, a va lava Bibe. Kutani vahundzuki va Marhoma va kereke yo rhanga ya Rhoma a va tlhaverile tidyondzo to hambuka, ku vula leswaku, xikombiso, tani hilaha hi nga na Khisimus.

⁴⁰ Khisimus, Kreste a nga tswariwanga hi siku ra vumakume mbirhi-ntlhanu ra—ra N'wendzamhala ku tlula hilaha a ndzi ri xiswona. Hikokwalaho ka yini, swiganga swa Yudiya a swi ri na gamboko, naswona Yena . . . Swi hambana na lebyin'wana hinkwabyo vuprofeta bya Bibe. U tswariwile hi ximun'wana, kukotisa hilaha swinyimpfana hinkwaswo swi tswariwaka ha kona. Hikokwalaho ka yini A tswariwile etshangeni ematshan'wini ya yindlu? A ri Xinyimpfana. Hikokwalaho ka yini A nga tsutsumerisiwanga e altarini kumbe e altarini ya Yena laha A nga beleriwa kona, xihambano? U rhangeriwile ku ya exihambanweni. Mi rhangela tinyimpfu ku ya eku dlayiweni. A ri Xinyimpfana. Kutani U tswariwile loko swinyimpfana swi tswariwa.

⁴¹ Kambe, ma swi vona, ku endla sweswo, va vile na siku ra ku tswariwa ka xikwembu xa dyambu, leswi, eka mafambiselo ya dyambu, dyambu eka ntlhanu wa masiku ku sukela hi ra vumakume mbirhi ra N'wendzamhala ku ya eka ra vumakume mbirhi-ntlhanu ra N'wendzamhala, ku hava ku famba-famba na swintsongo, ka dyambu. Ri—ri hambana swintsongo siku rin'wana na rin'wana, ri va ro leha na ku leha na ku leha ku kondza ri ba siku ra rona ro leha ku tlurisa hi Mawuwani. Kutani, hi N'wendzamhala, i siku ra rona ro koma ku tlurisa. Kutani xinkadyana lexiya xa vumakume mbirhi-ntlhanu, ku sukela hi ra vumakume mbirhi ku ya eka ra vumakume mbirhi-ntlhanu, a va ri na sorokisi ra Xirhoma na ku tlangeriwa ka siku ra ku tswariwa ka xikwembu xa dyambu. Swingaleswi Jupita, lexi a xi ri xikwembu xa Rhoma, kutani va xi tlhaverile, hi ku vula leswaku, “Hi ta teka N'wana wa Xikwembu na siku ra ku tswariwa ka xikwembu xa dyambu, hi veka sweswo kun'we ku va ku tlangela kun'we lokukulu.” Sweswo swa hambana! Naswona, oho, vutlhaveri byo tala lebyi va nga byi nghenisa kwalalahay!

⁴² Kutani loko vavanuna va ntiyiso va Xikwembu lava a va lava ku tshama na Rito, kukotisa Polycarp, Irenaeus, Martin, lavaya vakulukumba, va le ku sunguleni, vavanuna va vakwetsimi lava a va lava ku tshama na Ntiyiso . . . Kutani loko va tisile Nicaea Council, van'wana va vanhu lavaya va ariwile swonghasi ku kondza vaprofeta va nghena ku suka emananga va nga tiphutselanga hi nchumu handle ka madzovo ya tinyimpfu, ku va va tshama eka huvo yaleyo. Kambe a va tiva Rito ra Hosi. Kambe

ndhumu, masiku lawaya ya khume ntlhanu ya tipolotiki ta ngati, na ku Ri kavanyeta. Kutani hi vile na magidi ya malembe ma nguva ya munyama, ma vona.

⁴³ Kambe Xikwembu xi tshembhisile leswaku Nanga liya yi ta yimba nakambe. Nkarhi hinkwawo vanhu va yingisa Rito ra ntiyiso ra Tsalwa, nkarhi hinkwawo mi kambela leswi mi swi endlaka hi Tsalwa.

⁴⁴ Rito ra tipolotiki. Kutani hina eAmerika na misava hinkwayo, hi na rito leri vulavulelaka ehenhla namunlhla, naswona lero i rito ra Hollywood. Ri vutlike misava. Tshikani un'wana a humela ehandle eHollywood na swin'wana, mi ta swi kuma hinkwako-nkwako etikweni. Sweswi, ha swi lemuka leswaku va vekile maendlelo eka vavasati va hina, eka tirhoko ta vona, switayele swa misisi ya vona. Va veka rhoko yaleyo.

⁴⁵ Kereke a yi fanele ku tiva Rito ra Nanga ya Xikwembu eka sweswo! Kambe ku na mpfilumpfilu yo tala swonghasi hikuva mi vona van'wana va ri karhi va endla tano, swikombiso. Mi nga pfuki mi tixaxametile endzhaku ka muxaka wa xikombiso xexo, hikuva xa heriseka. Nkarhi hinkwawo mi yingisa Rito ra Xikwembu, leswi Xi swi vulaka mayelana na swona.

⁴⁶ Kutani ha swi lemuka, eka Hollywood, va pfuxa swilo. Kutani ndzi pfumeleleni ndzi vulavula ntsena xinkadyana eka leswi loko hi nga se ya emahlweni. A ku ri na—na nchumu lowu nga humela ehandle ku nga ri khale ngopfu, leswaku e—e wanuna eHollywood... A hi nchumu wo lwsiana na wanuna sweswi, hi loyi a faka loyi Kreste a nga fela yena, kambe ntsena ku kombisa n'wina. Va tumbuluxile nchumu wuntsongo lowu vuriwaka, vana va wu tirhisa, wu vuriwa "hula-hoop," hula-hoop, kumbe swin'wana. Kutani loko mi kale mi lemuka nhlambha na swilo leswi landzelaka sweswo, leswi, eka vana lavantsongo. Leswi swo ka swi nga lulamangiki.

⁴⁷ Sweswi, Hollywood yi tele hi—hi valwi va swibalesa. Sweswi, mani na mani loyi a tivaka matimu, wa swi tiva leswaku vanhu lavaya va le ndzhaku hi masiku lawaya, lava a va ri valwi va swibalesa kukotisa e—e vanakulorhi vo hambana-hambana, a va nga ri vaaka-tiko va mikhuva leyinene, a va ri vagwinihi, a va kotisa Al Capone na Dellinger. Va na ntlangu wa Hollywood lowu va wu vulaka, eka—eka thelevhixini, va wu vula, "Musi wa xibalesa." Naswona ndzi swi twile eka *Monitor* siku rin'wana leswaku nakulorhi loyi a wu tlangaka, Arness kumbe swin'wana, kumbe Arness, kumbe ndzi rivele leswaku vito ra yena i mani, naswona u fanele ku teka... U yimela Matt Dillon loyi a ri muhlayisi wa nawu eKansas. Kutani Matt Dillon a ri wa xitshopani kukotisa mpfundla. U baleserile makume mbirhi-nhungu wa vavanuna enhlaneni, vanhu lava nga riki na nandzu, a ya ehandle ka Dodge City kutani a rindzela exihlahleni. Kutani loko wanuna a ta kwalahaya, munhu luya

wo karhi a ta n'wi huwelela kutani a n'wi byela leswaku a ku ri na mbabva yo karhi leyi nga ekuteni, kutani a tshama kwalahaya naswona, loko wanuna a nghena, a ta n'wi balesela hi le nhlaneni. Sweswi hi kuma leswaku i "nakulorhi lonkulu" loyi a taka. Hikokwalaho ka yini, i—i ku kwetsimisa xidyoho hi ku hetiseka. Kambe vana lavantsongo va tiko ra hina va nga mi byela swo tala hi mayelana na Matt Dillon ku tlula hilaha va nga mi byelaka hi Yesu Kreste. E—e—e switolo, switolo swa khume ra macheleni, na ndzawulo ya swiambalo, swi nembelerile swi tala hi swibalesa leswintsongo—leswintsongo swa tithoyi, ni swihuku leswintsongo leswi—leswi mi nga swi xavaka kun'wana na kun'wana. Swi lulamile ku ambala sweswo, kambe ntsena ndzo—ndzo va eku mi byeleni, ma swi vona. Kutani va—va, misava ya swa vuxavisi, yi tlakula nchumu wolowo kutani yi endla timiliyon i ta tidolara ku suka eka wona.

⁴⁸ Hi na leswi hi swi vulaka "St. Patrick's Day," hi na leswi hi swi vulaka "tiholideyi ta vukhongeri." Kutani misava ya swa vuxavisi yi swi tlakurile, naswona va endla timiliyon i ta tidolara. "Siku ra Vamanana," swikatsa swa swiluva. Hikokwalaho ka yini, siku rin'wana na rin'wana ri fanele ku va siku ro xiximeka eka manana. U le kule kun'wanyana, u khegurile, famba u ya n'wi vona. Sweswo swi ta va swi durha ku tlula swiluva hinkwaswo leswi u nga n'wi rhumelaka swona, kumbe nchumu wun'wana ni wun'wana. Ma vona, kambe va swi tlakula. I rito, naswona—naswona hi xaxamela kahle na rona. Hakunene a swi lulamanga. Kambe xana mi ta endla yini? Ma vona, ntsena hi—hi . . .

⁴⁹ Ndzi le ku ringeten i ka ku nghena emhakeni lahawani ku mi byela swin'wana, leswi ndzi—ndzi swi pfumelaka. Rito ra kala, Rito ra Xikwembu.

⁵⁰ Sweswi, hi kuma leswaku va vekile goza. Kutani xana mi kale mi swi xiyisisa? Majaha ya hina ma hundzukile "Ricky" na "Elvis." Mi na n'wana loyi a thyiweke sweswo, ri cinceni hi ku hatlisa, mi n'wi vitana nambara "yo sungula" kumbe "ya vumbirhi," kumbe swin'wana. Mi nga swi endli, sweswo swa chavisa . . . Mi ri, "Hi kwihi ku hambana loku vito ri ku vulaka?" Hikokwalaho ka yini, kunene, ri vula swin'wana. Vito ra wena ri hlawulekisa vutomi bya wena. "Sweswi, Makwerhu Branham, u le ka vuvhumbhi byo tirhisa tinhlayo." Ee, a ndzi tano! Ndzi le ka LESWI HOSI YI SWI VULAKA! Hikokwalaho ka yini loko Yakopo, a hanyile ku ya hi vito ra yena, tani—tani hi mukanganyisi, musivi, Yakopo. Kute loko Xikwembu xi n'wi hundzurile, Xi cincile vito ra yena. Xikwembu xi cincile Saul ku ya eka Paul, Simon ku ya eka Petro. Hakunene, ri na swin'wana. Kutani Ricky na Elvis, na mavito yo tani hi yalawa, i mavito ya ximanguva lawa ya Amerika lawa ya hoxaka n'wana xikan'wekan'we eka sweswo. Ma swi vona leswi ndzi swi vulaka?

⁵¹ Sweswi, ndza tshembha leswaku a ndzi . . . Swa antswa ndzi tlhentlha nyana naswona ndzi nga yi ekule erhavini lahwani, (ma swi vona leswi ndzi swi vulaka?) sweswo a mi nga ta swi twisisa. Kambe swilo leswi hinkwaswo a swi twisisiwi hambi ku ri hi munhu wa ntolovel. A va swi khomi, hikuva va na maendlelo man'we. Hi sweswo ntsena leswi va yingisaka swona, marito lawaya.

⁵² Ku na rito ra vativi va swa vutlhari, Xikhomunisi, leri tshembhisaka swilo leswi va nga taka va nga tshami na swona. Kutani hambiswiritan tiphesente letikulu ta vanhu va le Amerika va phutseriwile hi Xikhomunisi. Sweswi, ndzi vile eka Xikhomunisi, tindhawu ta Xikhomunisi, swa antswa, ejarimani, etlhelweni ra vuxa bya Berlin. A va ri na tiyindlu ta kahle letikulu to kombisa ehandle. A swi lava mi famba endzeni ka tona, a ti helanga na ku hela. I ikhonomi ya vunwa, va le ku ringetenka ku susumetela ehenhla ka swin'wana.

⁵³ Naswona, eRussia, ndhawu ya ku tswariwa ka Xikhomunisi . . . Leyi, malembe yo tala lawa ya nga hundza, loko ndza ha ri muchumayeri wa jaha, ndzi nga ku makume nharhuharhu wa malembe lawa ya nga hundza, loko Nazism, Fascism, na Xikhomunisi swi ri karhi swi pfuka, ndzi te, "Ndzi vulavula hi Vito ra Hosi! Hinkwaswo swi ta tsongzeleka eka Xikhomunisi." Kambe, xana mi kale mi ehleketa, Xikwembu xi hi sierile patu ro humela ehandle, loko ntsena hi nga ri teka. Ku na phesente yin'we ntsena ya Russia leyi nga Xikhomunisi, phesente yin'we, kambe hi yona phesente leyi lawulaka. Phesente yin'we ya Xikhomunisi . . . phesente yin'we ya Russia i Xikhomunisi, swa antswa, kambe ya lawula.

⁵⁴ Naswona nchumu lowu fanaka, Hollywood i ndhawu yin'we, kambe va lawula.

⁵⁵ Kwalomu ka n'we-xa-nharhu kumbe mbirhi-xa-nharhu wa vanhu va United States va ya ekerekeni, naswona i swirho swa kereke, kambe va lawula eka tidinominexini letiya.

⁵⁶ Leswi Xikhomunisi xi swi lavaka kwalahaya i Rito ra Xikwembu leri nga pfuka ehenhla ka vona, naswona Ri ta xi khomisa tingana.

⁵⁷ Efinland, loko xifanyetana lexiya xi ta pfuxiwa ekufeni siku leriya, kutani a va ri karhi va ndzi tisa swikwere swinharhu hi le kule, laha nakulorhi loyi lontsongo a nga pfuxiwa kona, mufi; masocha ma Xikhomunisi, Marussia, va yimile kwalahaya hi ku saluta ka Xirussia, naswona mihloti yi ri karhi yi khulukela emarhameni ya vona. Va te, "Hi ta amukela Xikwembu lexi nga pfuxaka vafi." I vusopfa bya kereke ya Khatholiki na kereke ya Lutheran, na hinkwato tidinominexini letiya, naswona va le ku tekeni ka mali hinkwayo, na ku aka mavandla, kutani a va nyiki nchumu eka vanhu. Va hanya ku kotisa vanhu lavan'wana hinkwavo. Ku fanele ku . . .

⁵⁸ Leswi Russia ri swi lavaka i muprefeta ku va a pfuka eka mbono na Rito ra Hosi, sweswo swi nga—nga pfala nomo. Kutani makume nkaye wa tiphesente letiya ti nga teka vulawuri.

⁵⁹ Leswi Amerika ri swi lavaka i Rito ra muprefeta wa Xikwembu, loyi a nga yimaka kutani a tshinya Hollywood, naswona a tshinya swilo leswi hi Vito ra Yesu Kreste, kutani Kereke ya Moya lowo Kwetsima yi ta teka vulawuri. Mpfilumpfilu wo tala swinene, ma vona, marito yo tala swinene yo hambana lawa ya lwsanaka na Rona.

⁶⁰ Kereke, rito ra yona, yin'wana na yin'wana yi lava swirlho swo tala. Baptist yi swi lava hinkwaswo, Methodist yi swi lava hinkwaswo, Presbyterian. Hinkwerhu hi na swona leswi. Naswona Khatholiki yi tikomba ingaku yi ta swi teka hinkwaswo, naswona va ta swi endla. Lero hakunene i Rito ra Xikwembu hi ku hetiseka ku suka eBibeleni leyi. Va ta fuma.

⁶¹ Kambe Xikwembu xa le Henhla-henhla xi ta hetelela xi fuma. Vakwetsimi va ta teka vulawuri, siku rin'wana, Bibebe yi vule tano. Va ta teka vulawuri.

⁶² Ku tala swonghasi ka marito! Kutani ku na rito ra muprefeta wa vunwa. Lero i rito ro chavisa, wanuna loyi a tivulaka muprefeta. Muprefeta, hakunene, i muchumayeri. Rito ra ximanguva-lawa “muprefeta” hi ku hetiseka ri vula “wanuna loyi a chumayelaka ehansi ka huhutelo.” Ku na wanuna loyi a yimaka kutani a tivula muprefeta, kutani a tsan’wa Rito ra Xikwembu, a tsan’wa Ntiyiso wa Xikwembu. Ku na marito yo tala ngopfu!

⁶³ Ntsena xinkadyana lexi nga ha ku hundza, a ku ri na makwerhu loyi a ri karhi a ndzi komba ndlela yo ta lahwani, kambe ndzi...ndza tshembha leswaku a tivutisa leswaku hikokwalaho ka yini ndzi fambile ku tlhandluka hi xitarata kutani ndzi hundzuluka ivi ndzi vuyela endzhaku. Loko u ri kona, makwerhu, a ndzi yingiserile swin'wana, a ku ri vanghana va hina—hina va makhaladi, manegro. Va na tempele lahwani, naswona va yi vitana, “Eliya Mohammed,” kumbe swin'wana, “Eliya Mohammed lontsongo.” Va pfuka na rito, naswona va vula leswaku hi vona rito leri nga ta humesela e—e rixaka ra makhaladi ehandle ka mpfilumpfilu lowu. Sweswo, ma swi vona, nchumu waluwa, Mamoslem ya vona—vona—vona ya kwala, Mosque ya vona. Hikokwalaho ka yini, a mi swi voni, leswaku vuyimelo bya yona, byi hoxekile!

⁶⁴ Vanhu va makhaladi, ntsena kukotisa vanhu vo basa, vanhu va buraweni, na vanhu va xitshopani, ku nga ri ku tlhelela—ku tlhelela eka Mohammedism, kambe vuyelani endzhaku eka Kreste, yona milawu leyi Bibebe yi yi dyondzisaka. Mohammedanism byi lwsana na Rito. Sweswi, ndzi vile na nkateko wo yissa khume ra magidi wa Vamohammed eka Kreste nkarhi wun'wana eDurban, Afrika Dzonga. A byi

humelerisi nchumu ehandle ka ntivo-miehleketo. Naswona ntivo-miehleketo wu lulamile ntsena loko ntivo-miehleketo wu nga tsan'wi Rito. Kambe loko ntivo-miehleketo wu tsan'wa Rito, kutani ntivo-miehleketo wu hoxekile. Wu nyika mpfumawulo lowu nga twisisekiki. Ku na swilo leswin'wana hinkwaswo swi nga ta hundza ehandle ka Rito ra Xikwembu, Yesu u vule tano, "Matilo na misava swi ta hundza, kambe Rito ra Mina ri ngaka ri nga hundzi." Swingaleswi, ma swi vona hi fanele ku tshama na Tsalwa, Rito.

⁶⁵ Vo tala swinene va pfilunganya swilo! Vanhu va pfuka, a va ri tivi Rito, naswona va vula swilo, kumbexani swi twala swi twisiseka swinene. Xikhomunisi i nchumu lowu twisisekaka swinene, "Vanhu hinkwavo va fana. A ka ha ri na makhepitalisi, hinkwavo i Makhomunisi." Xana mi kale mi yima ku ehleketa leswaku sweswo i mpfuxelelo wa vunwa, Xikhomunisi hi xona? Naswona xana hi kwihi laha a nga swi xaxameta endzhaku ka swona? E... Yesu u te, "Mimoya leyimbirhi yi ta va ekusuhi swinene, yi ta hambukisa na vona Vahlawuriwa loko swi nga koteke." Kutani hinkwaswo leswi javulosi a nga na swona, i ku soholotiwa ka leswi Xikwembu xi nga swi tumbuluxa. Xidyo ho i—i vululami lebyi nga soholotiwa. Vunwa i Ntiyiso lowu nga tolokiwa hi ku hoxeka. Vuoswi i—i, xiendlo lexi Xikwembu xi nga hi vekela xona, xi soholotiwile. Ku kala ku pfumela hinkwako i vuencenyeti bya ku pfumela. Mi fanele ku tsan'wa Ntiyiso ku va mi teka ku—ku soholota. Ma vona, lulamisani marito lawa, ma ringeten'i hi Rito kutani mi vona loko ma ri Ntiyiso.

⁶⁶ Oho, hilaha hi nga yaka emahlweni na ku ya emahlweni, eka marito lawaya namuntlha, kambe nkarhi wa hina wu hundzile. Kambe, ku na marito yo tala swinene laha vanhu va nga tiviki leswi va nga swi endlaka. Mamethodist va ta hetelela va twile muchumayeri wa Mubaptist, va ta ya kwalahaya, va ta tshama kwalahaya nkarhinyana kutani va ya eka Lutheran. Kutani eka Mapentekostal, va na mintlawa yo hambana-hambana, wun'wana wu ta tsutsumela eka wun'wana, na wun'wana eka wun'wana, kutani endzhaku na le mahlweni. Swi kombisa leswaku a mi tiyanga. Yingisani Rito ra Yena! Hi Leri lahawani, ri tsariwile ephepheni, Rito, Rito ri ta tiyisisiwa loko Ri ri Ntiyiso.

⁶⁷ Misava ya xikereke a yi swi tivi leswi yi nga swi endlaka, misava ya tipolotiki yi le ka mpfilumpfilu. Swilo hinkwaswo swi tikomba swi ri eka mpfilumpfilu. Vanakulorhi va tsutsuma ku suka laha, nchumu wun'wanyana wu pfuka, baji rin'wana, jasi rin'wana. Loko ndzi ri eRhoma, a va ri na khume nkaye wa swipikiri swo hambana-hambana leswi tiyisisiweke leswi a swi beleriwile evokweni ra Yesu; naswona ku na swinharhu ntsena, kambe hambiswritano va na rungula ra leswaku i swipikiri swa khume nkaye. Sweswi, xana hi kwihi ku hambana loku swi ku

endlaka leswaku i mani a nga na xipikiri? Kreste a nga kalanga a hi siyela swipikiri swo swi gandzela, U hi siyele Moya lowo Kwetsima, hi Rito ra Yena! “Swikombiso leswi swi ta landzela vona lava va pfumelaka, va ta va na xipikiri xa xiviri”? “Va ta va na . . . Swikombiso leswi swi ta landzela vona lava va pfumelaka, va ta wela eka dinominexini leyi Ndzi nga yi sungula”? A nga sungulanga na yin’we. Ma swi vona hilaha rito ri hambanaka hakona?

⁶⁸ Kambe, “Swikombiso leswi swi ta landzela vona lava va pfumelaka; hi Vito ra Mina va ta hlongola madimoni.” Hi lero Rito. “Va ta vulavula hi tindzimi letintshwa; va ta khoma tinyoka, sweswo a swi nge va vavisi. Loko va nwa swilo leswi dlayaka, a swi nge va karhati. Loko va tlhandleka mavoko ya vona ehenhla ka vavabyi, va ta hlakarhela.” Kutani mi langutisa swilo leswi na leswin’wana hinkwaswo swa Matsalwa swi vekiwile swin’we.

⁶⁹ Sweswi, sweswo swi ri swoxe a swi nge swi tiyisisi, na swintsongo. Kwalaho hi kona laha hina Mapentekostal hi nghenaka epatwini ro hoxeka. Xana Yesu a nga vulanga leswaku, “Vo tala va ta ta eka Mina hi siku lero, kutani va ku, ‘Hosi, xana a ndzi endlanga swilo leswikulu hi Vito ra Wena-ke? Xana a ndzi profetanga hi Vito ra Wena-ke? Xana a ndzi swi endlanga hinkwaswo leswi hi Vito ra Wena-ke?’” Kutani Yesu a ku, “Sukani eka Mina, n’wina lava tirhaka swo homboloka, a Ndzi kalanga ndzi mi tiva.” Xana ma swi vona, vasesi va mina na vamakwerhu va mina, hikokwalaho ka yini ndzi avanyisa swonghasi na ku hehla rixaka leri? Mi nga ha vulavula hi ririmí ku kotisa vanhu na tintsumi, mi nga ha cina mi ri eMoyeni ku rhendzeleka na kereke hinkwayo, sweswo a swi na nchumu xo xi endla ha Rona.

⁷⁰ Ndzi vonile Vamohammed va cina kukotisa sweswo. Ndzi twile eka dokodela . . . muxaxa wa n’anga ya xintu, ndzi vonile valoyi va tlakuka kutani va vulavula hi tindzimi naswona va tlhela va tihamusela, kutani va vula leswi a swi ya eku humeleleni hi ku hetiseka, naswona swi humelerile hi ndlela yaleyo. Ndzi vonile hambi ku ri penisele yi tlakuka kutani yi tsala hi tindzimi leti nga tivekiki, naswona un’we ntsena lahaya loyi a kota ku ti hlaya, kutani a ri wa javulosi. Mi ngaka mi nga veki tshaku ra laha mi yaka kona hilaha ku nga Heriki ehenhla ka nyanyuko wo karhi. Sathana a nga swi kota ku encenyeta wun’wana na wun’wana wa minyanyuko yaleyo. Ku nga ri. . . I ku tiva Kreste, swin’wana swa cinca evuton’wini bya n’wina. Langutisani vutomi bya n’wina kutani mi byi xaxameta na Rito, kutani mi vona laha mi nga kona. Mi tikambisia, hakunene.

⁷¹ Hambi leswi ku nga na vuencyeti lebyi hinkwabyo, marito ya vunwa, vaprofeta va vunwa, hinkwaswo swilo leswin’wana leswi nga eku pfukeni, Yesu u tame a ha vula, hambi leswi ku nga hinkwaswo leswi, “Loko munhu wihi na wihi a nga yingisa Rito

ra Mina kutani a Ndzi landzela.” Hi yena Rito. Yingisani, xileriso xa Yena eka hina namuntlha, eka hinkwawo marito lawa. Leswi, ndzi nga vula leswaku swi ta teka tiawara ku humesela marito lawa hinkwawo ehandle. Naswona swa pfilunganya eka vanhu, i nchumu lowu twisaka vusiwana. Kutani, endzhaku ka hinkwaswo, a mi kumi nkateko wa vumbirhi, mi fanele ku Ri teka sweswi. Swi nga endleka mi nga kumi nkateko vusiku lebyi. Swi nga endleka mi nga kumi nkateko mundzuku. Hi sweswi! “Loko mi twa Rito ra Mina, mi nga nonon’hwisi timbilu ta n’wina, tani hi le masikwini ya ku pfukana. Sweswi hi wona nkarhi. Lowu i nkarhi lowu amukeriwaka lowu loko munhu wihi na wihi a nga twaka Rito ra Mina.” Sweswo swi ya eku kombiseni ka leswaku Rito ra Yena ri ta tama ra ha ri kona exikarhi ka mimpfilumpfilu hinkwayo. Wa ha ri na Rito! Hikokwalaho ka yini? Rito ra Yena ri ta tshama ri ri kona. Hi leri lahawani, “Matilo na misava swi ta hundza, kambe Rito ra Mina ri ngaka ri nga hundzi,” Tsalwa ra Yena.

⁷² Ntsena a hi tekeni, a hi nge, ntlanu wa timinetse tin’wana, hi xihatla. Xana mi nga, xana mi ta tshama nkarhi wo lehisaxisweswo, kumbe timinetse tintsongo? Sweswi, ndzi ta hatlisa. Ntsena a hi tekeni van’wana lava nga twa Rito leri kutani va Ri yingisa. Hilaha Ri nga va endla va tikhoma hakona, leswi Ri nga endla leswaku va swi endla. Sweswi ndzi ya eku ceceleteni ka Matsalwa yo—yo tala lahawani, ntsena ku endlela ku fika eka n’wina hi ku kongoma: hilaha Ri nga cinca vutomi bya vona na hinkwaswo ka swona leswi a swi ri xiswona hi mayelana na vona; hilaha va nga hundzuka vanhu lava nga twisisekiki, hi va vula “vanhu lava nga twisisekiki.” Munhu un’wana na un’wana loyi a nga tshama a pfumela Xikwembu, a tekeriwa enhlokweni tani hi munhu loyi a nga twisisekiki. Hikuva, loko mi ri eka maendlelo ya misava, ku na swin’wana swi nga hoxeka hi n’wina. Ku va Mukreste u fanele ku va munhu loyi a nga twisisekiki. “Hikuva hinkwawo lava va hanyaka hi vukhongeri eka Kreste Yesu va ta xanisiwa hi misava. A ri emisaveni, naswona misava yi endliwile hi Yena, kutani misava a yi N’wi tivanga.” Hi ku hatlisa sweswi, yingisani hi vukheta loko hi ri karhi hi pfala.

⁷³ Adam u twile Rito ra Xona, hi ku hola ka ni madyambu, naswona u vile na xinakulobye na Xona. A ku nga ri na ku avanyisiwa eka Adam. U twile Rito ra Xikwembu, kutani a ku, “Tatana, sweswi ndzi badama ehansi ku va ndzi etlela.” Kutani u badamile ehansi, naswona Evha a ri evokweni ra yena, nghala, yingwe, na swiharhi swa nhova swi badamile kwalahaya ku rhendzeleka hi yena, a ku nga ri na ku vaviseka, ku nga ri na ndlela yo khomiwa hi vuvabyi, ku nga ri na ndlela yo tivutisa loko a ta pfuka ni mixo, va ya eku pfukeni. Adam u twile Rito ra Xona hi ndlela ley a fanele ku Ri twa hakona.

⁷⁴ Kambe siku rin’wana u twile rito ra nsati wa yena. Swa antswa ndzi tshika sweswo xinkadyana. Kambe u yingisile rito

ro hoxeka, hambiswiritano a ku ri nsati wa yena, xibohi xa le kusuhi swinene lexi a ri na xona emisaveni. Hikokwalaho ka yini a nga endlanga, kukotisa Yobo, “U vulavula kukotisa wansati wa xihunguki”? Kutani loko a swi lo endleka, rixaka hinkwaro ra ximunhu a ri tava ri hanya ematshan’weni ya ku fa. Swi cincile xikongomelo xa swivumbiwa swa ximunhu na nkarhi. Kambe u twile Rito ra Xikwembu, u vile na xinakulobye na Rona, kambe loko a hundzuluka... Xana u swi tivile njhani leswaku nsati wa yena a hoxisa? Tsundzukani, a swi tsakisa.

⁷⁵ Ha swi ehleketa namuntlha leswaku vandla ra hina, kereke, hi ehleketa leswaku ku humeleta ka hina namuntlha i Xikwembu xi n’wayitelaka ehenhla ka hina. Swi languteka swi ri kahle. A swi languteka swi ri kahle loko Mikiya a yimile lahaya emahlweni ka mune wa madzana wa vaprofeta, naswona tiko hinkwaro a ri ri ra vona, kutani Vafilista a va ri eka rona, kumbe Vasiriya, a swi languteka swi ri kahle. Vaprofeta lavaya a va ri karhi va vula leswaku, “Fambani ehandle lahaya, leriya i ra hina. Ri tekeni!” Kambe a ku nga ri Rito ra Xikwembu. Kutani Mikiya u hundzulukile kutani a rhukana rito leriya. Naswona xana u swi tivile njhani ku endla sweswo? Hikuva xivono xa yena a xi ri na Rito hakunene. Yaleylo i ndlela yi ri yoxe yo swi tshembha na ku swi vona namuntlha, swi fanele ku va eRitweni.

⁷⁶ Kutani xana mi kale mi swi lemuka? Endzhaku ka loko Adam a yingisile rito rin’wana ematshan’weni ya Rito ra Xikwembu, nsati wa yena n’winyi... Kutani kereke yi le ku yingiseni ka rito ra vandla ra yona, leri chelaka endzeni ka vona mikhuva ematshan’wini ya Rito, ri va pfumelela ku hanya hi ndlela yin’wana na yin’wana leyi va yi lavaka. Ntsena loko va ya ekerekeni na ku va xirho xa kereke yo karhi, sweswo hi leswi nga na nkoka. Vuhalanganisi bya le kusuhi swinene lebyi mupfumeri a nga na byona emisaveni, eka vona, i kereke. Kambe mupfumeri, mupfumeri wa xiviri, vuhalanganisi bya le kusuhi swinene i Moya lowo Kwetsima, i Rito ra Xikwembu.

⁷⁷ Swingaleswi mi kuma leswaku Adam u lemekile xiyimo xa yena, naswona u twile Rito ra Xikwembu ri ri karhi ri huwelela nakambe, naswona a ri ematlukeni ya nkuwa hi nkarhi wolowo. Kambe a ku ri Rito ra ku avanyisa, “Hikokwalaho ka yini u endlile leswi?”

⁷⁸ Ndza tivutisa loko Amerika namuntlha, kumbe misava eka dzolonga ra yona ra vukhongeri, tani hilaha swi nga ha kona, naswona Amerika ri ri karhi ri mita, ri ri karhi ri mitiwa, swi nga va vukhongeri bya tiko ku nga ri khale. [Xivati lexi nga riki na nchumu eka thepi—Muhleri.]

⁷⁹ I mani loyi a nga tshama emahlweni ka mina? Ndza swi tiva leswaku i tithepi naswona ti ta famba na misava hinkwayo. Hi na minonganoko ya tithepi, leti Hungu rin’wana na rin’wana

ri nghenisaka misava hinkwayo endzeni, matiko laman'wana hinkwawo.

⁸⁰ Kunene, sweswi-loko mi nga languta kutani mi vona, ntsena mi yimile ematlukeni ya nkuwa. Loko Rito ra Ntiyiso ra Xikwembu ri humela ehandle, a va swi tivi leswi va faneleke ku swi endla hi mayelana na swona. Swa pfilunganya, a va swi tivi leswi va faneleke ku swi endla.

⁸¹ Hi xihatla, Nowa u twile Rito ra Xikwembu. A ri lulamisela ku ponisa vutomi bya yena, kutani u landzerile swileriso naswona u yimile.

⁸² Loko munhu a twa Rito . . . Sweswi yingisani, khomani leswi kahle swinene. Mi nga tsandzeki. Loko munhu a twa Rito ra Nchumu wun'wana, naswona Ri khorwisiwa ku va ri ri Rito ra Xikwembu, naswona hi nkarhi, kutani sweswo swi ya emahlwemi ku suka eka munhu, matilo na misava swi ta hundza kambe Rito lero ri ngaka ri nga hundzi.

⁸³ Nowa u twile Rito, kutani a avanyisa misava. Kutani va hlekile exikandzeni xa yena hikuva Hungu ra yena—yena a ri nga fambelani na nhluvuko wa vona wa xisayense, kambe yi nile kutani yi herisa misava hinkwayo. Ma vona? Rito ra yena leri nga ya emahlwemi, mbewu a yi tshamile kwalahaya. Nguva yin'wana na yin'wana swi vile hi ndlela leyi fanaka.

⁸⁴ Samuel, a tshukile-loko a twa Rito ra Xikwembu, leswaka a ri . . . ku ya emahlwemi a ya avanyisa Heli, wanuna loyi a nga n'wi wundla. Wanuna loyi a nga va papa eka yena naswona u n'wi kurisile na ku n'wi phamela.

⁸⁵ Vamakwerhu va tiministara, xana ndzi nga swi endla? Tiministara, nkarhi wo tala, ehenhla ka timbala ta vona ta xidinominexini na mikhuva, vubumabumeri bya vona eswikhwameni swa vona, swa papa yaluya, vandla reriya leri nga va wundla na ku va phamela na ku va kurisa na ku va veka hi swiyimo ekerekeni, na ku va veka enhlengleletanweni, mi fanele ku chivirikela leswi va swi dyondzisaka. Ma vona? Swi nga va nchumu wo chavisa njhani eka nandza wa ntiyiso wa Xikwembu ku twa Rito ra Xikwembu na ku boheka ku tlhelela endzhaku eka manana wa vandla leri fanaka, a ku, “Wa avanyisiwa hikuva a wu ri amukeli Rito leri.” Inchumu muni!

A swi tika eka Samuel. Kambe a ri muprefeta, a fanele ku swi endla. Swi nga ri na mhaka leswaku swa vavisa kumbe ee, a fanele ku swi endla hambiswiritano.

⁸⁶ Muxe u twile Rito ra Xikwembu. A tele hi ntivo-vukhongeri. A tiva *vuxokoxoko* hinkwabyo, kambe swi tsandzekile. U twile Rito ra Xikwembu, Muxe a nga ha pfukanga a ri loyi a fanaka.

⁸⁷ Naswona a ku na munhu loyi a nga ha fanaka. Mi nga ha twa etindleveni ta n'wina e—e Rito ri ri karhi ri vulavula, kambe loko mi twa etimbilwini ta n'wina, Rito ri ri karhi ri vulavula, ma

vona, kutani mi le ku tweni. A mi swi voni hi mahlo ya n'wina. Mi langutisa hi mahlo ya n'wina, mi vona hi timbilu ta n'wina. Mi vona nchumu wun'wana, mi ku, "Ntsena a ndzi wu voni," mi vula leswaku a mi wu twisisi. A mi twi hi tindleve ta n'wina, mi twa hi timbilu ta n'wina. Minkarhi yo tala tindleve ta n'wina ti twa Rito ra ntiyiso ra Xikwembu, naswona Ri wa ku suka eka n'wina kukotisa mati lama ma waka ku suka enhlaneni wa sekwa. Kambe loko mi twa hi xiviri, mi twa hi timbilu ta n'wina.

⁸⁸ Kutani ntivo-vukhongeri hinkwabyo lebyi Muxe a ri na byona, a nga twanga Rito ra Xikwembu. Kambe siku rin'wana Xikwembu xi vitanerile murisi wa tinyimpfu loyi wa makume nhungu wa malembe etlhelo ro karhi kutani xi vulavula na yena, kutani u Ri khomile. Xi swi khorwisile leswaku a Xi ri Xikwembu. Nchumu wo sungula lowu Xi nga wu endlela Muxe, a ku ri ku tiyisisa Rito ra Xona, "Ndzi le ku xikeni, Ndzi tsundzukile leswi Ndzi nga swi tshembhisa."

⁸⁹ Kutani leswi hi leswi Xi nga swi tshembhisa eka masiku yo hetelela. Xi ta pfuxa vanhu ku suka eka Vamatiko, na switshembhiso hinkwaswo.

⁹⁰ "Leswi Ndzi swi tshembhisile." Xi ku, "Muxe, hluvula tintanghu ta wena." Hi marito man'wana, Ri xiximi. "Sweswi hoxa nhonga ya wena ehansi." Nhonga yo—yo oma yo huma emananga yi hundzuka nyoka, kutani Muxe a yi khoma, kutani yi tlhelela eka xiyimo xa yona nakambe. Ma vona? A swi tiva leswaku xexo a xi ri Xikwembu, hikuva Xikwembu xi vurile, Rito ra Xikwembu, Rito leri a Xi ri vulavula, xi ku, "Hoxa nhonga leyi nga evokweni ra wena ehansi." Lero i Rito ra Xikwembu. Mi nga ringeti ku endla nchumu lowu fanaka, lero a hi rona Rito ra Xikwembu eka n'wina, lero a ku ri Rito ra Xikwembu eka Muxe. Hi *leri* Rito ra Xikwembu eka n'wina! "Hoxa nhonga ehansi." Yi hundzukile nyoka. Xi ku, "Sweswi xana wa yi chava? Yi khomi hi ncila," kutani yi tlhelela endzhaku nakambe. Rito ra Xikwembu eka yena. Xana Xi endlile yini? Xikwembu xi tiyisisile Rito ra Xona.

⁹¹ Ndzi vile na riqingho lahawani eka tin'hweti nyana leti nga hundza, kwalomu ka, ku vile, oho, ku vile kwalomu ka lembe, ku tlula lembe leri nga hundza. Manana lontsongo emakumu ka vuhaniganisi bya riqingho, na muchumayeri wa Mubaptist na muchumayeri wa Mupertekostal. Wansati u te, "Makwerhu Branham, Hosi yi ndzi endlile muprofeta wa xisati."

Ndzi ku, "Swi kahle."

⁹² A ku, "Wa swi tiva, ndzi byeriwa leswaku u vurile leswaku u—u byarha vumbhoni bya leswaku ministri wa mina i wa Xikwembu."

⁹³ Sweswi, a ndzi nga ta swi endla sweswo, swi lwisana na Rito. Swingaleswi ndzi te, "Wansati, xexo i xihoxo. A ndzi ku tivi na ku ku tiva."

⁹⁴ Kutani muchumayeri wa Mubaptist, ndzi n'wi twile, ndzi twile muchumayeri wa Mupertekostal. Wansati a ku, "Kunene, ndzi na nhlengeletano lahawani." Kutani a ku, "Hosi yi le ku endleni ka swilo leswikulu."

⁹⁵ Ndzi ku, "Ndza khensa eka sweswo." A ku... Ndzi ku, "Xana Yi nga va yi ku byele swin'wana?"

A ku, "Ina, ndzi na nonganoko lowukulu evokweni ra mina."

⁹⁶ Ndzi ku, "Swi sasekile." Ndzi ku, "Sweswi, xana hi wihi nonganoko wa wena?" Ndzi ku, "Xana Hosi yi ku byerile yini?"

⁹⁷ "Yi te, 'Famba ePhoenix, Arizona, hi siku ro *karhi-karhi*, kutani Ndzi ta ku nyika Dutchman Gold Mine leyi nga lahleka, kutani u ya eku tekeni ka nsuku lowu kumekaka kwalahaya naswona u ta seketela timixinari ku rhendzeleka na misava.'" Loko hinkwerhu hi swi tiva leswaku Dutcmam Mine leyi nga lahleka i ntsheketo. "Swingaleswi yi vule tano."

⁹⁸ Ndzi ku, "Kunene, ndzi ta ku byela hilaha u nga ta swi kuma hakona loko ku ri Xikwembu kumbe ku nga ri xona." Ndzi ku, "U va kwalahaya hi siku lero. Kutani loko wo kuma Dutchman Mine leyi nga lahleka, kutani i Xikwembu. Loko u nga kumi Dutchman Mine leyi nga lahleka, kutani hundzuka ivi u susa moya wolowo wo hemba eka wena." Sweswo hi leswi u swi kumisaka xiswona loko ku ri leswaku i Xikwembu kumbe ku nga ri xona.

⁹⁹ Xikwembu xi te, "Muxe, hoxa nhonga ehansi, kutani yi ta hundzuka nyoka." A swi endla. Xi ku, "Yi tlakule kutani yi ta hundzuka nhonga nakambe." A swi endla.

¹⁰⁰ Loko Xikwembu xi endla xitshembhiso xa ministri eka masiku lawa yo hetelela, Xi ta xi tiyisisa ntsena hi ku hetiseka hi ndlela leyi Xi nga vula leswaku Xi ta swi endla hakona. Kutani ma swi tiva leswaku mi kumile Rito ro lulama. Mi yingisile Nchumu wo lulama, hikuva i Rito leri nga eku tiyisisiweni. Ma vona? Oho, hilaha... Ndza tisola, ndzi... Swi lulamile.

¹⁰¹ Muxe u tikhomile ku hambana. Langutani leswaku i—i nchumu wo hlekisa njhani lowu Muxe a nga wu endla. Sweswi, nkarhi hinkwawo loko mi ri karhi mi landzela Rito ra Xikwembu, ma hlanya, eka misava. Siku leri landzelaka, ri kumile Muxe, na nsati wa yena a tshamile ehenhla ka meyila, na n'wana exisutini xa yena, kumbe sweswo i swa le dzongeni, "n'wana" exisutini xa yena, kutani a va ri lahaya. Mukhalabya loyi na malevhu lawa ya lenga-lengaka kukotisa *leswi*, na nhloko ya yena ya mpandala yi ri karhi yi hatima, nhonga evokwemi ra yena, a rhangerile ximbhongholwani, va rhelela kona ku kongoma eEgipta ntsena hi ku tika hilaha a ta kota ku famba hakona. Munhu un'wana a ku, "Muxe, xana u ya kwih?"

¹⁰² "Ndzi rhelela eEgipta, ku ya vutla nchumu luwa." Hi laha a nga tsandzeka tani hi jaha, u tsandzekile tani hi wanuna wa

mavuthu, kambe hi loyi lahawani a ri karhi a rhelela ku ya ri vutla. Naswona u swi endlile. Hikokwalaho ka yini? A twile Rito ra Xikwembu na ku Ri vona ri tiyisisiwa eka siku ra yena, eka swilo leswi a swi fanele ku va hi siku ra yena. U swi vonile.

¹⁰³ Paul, Mufarisi loyi a tinyikile xiyimo, ntsena ku va a tele hi ntivo-vukhongeri hilaha a ta va hakona, kambe siku rin'wana u twile Rito ra Xikwembu. U vonile Langavi ra Ndzilo, naswona u swi tivile leswaku a ku ri na swin'wana swo hambana. Swi cincile vutomi bya yena. Swi nga ri na mhaka leswaku i Vafarisi vangani, i Vagamaliel vangani kumbe swihi na swihi swin'wana leswi a swi ta huwelela eka Paul leswaku, "wa hoxisa, wa hoxisa," Paul a twile Rito ra Xikwembu, u swi tivile leswaku a Ri ri Ntiyiso.

¹⁰⁴ Petro, na vukhongeri hilaha a ta va hakona, ku hlayisa mindhavuko ya vakulukumba, a nga ta dya nyama yin'wana na yin'wana. Ee, nkulukumba. A nga lavi nchumu xo xi endla mayelana na yona na swintsongo. Hakunene a hlayisa mindhavuko ya vakulukumba, khwatsi ku ya eRitweni. Xana ku humelerile yini? Siku rin'wana u twile Rito ra Xikwembu, "U nga swi vuli ku yila na ku ka swi nga tenganga, loko Ndzi swi basisa." A ri wanuna loyi a cinckeke. A lulamerile ku ya kun'wana na kun'wana laha Hosi yi nga ta n'wi rhuma kona.

¹⁰⁵ Hi ku pfala, ndzi nga ha vula leswi. A ku ri na wanuna nkarhi wun'wana loyi a ri mupfumeri. A ri na mune wa masiku a file. A ri esirheni, a ri karhi a nun'hwa, a borile, kambe u twile Rito ra Xikwembu ri vulavula, "Lazaro, humela handle!" Kutani loko kuri leswaku Ri humeserile munhu ehandle endzhaku ka ku va a file na ku bola, hi swihi leswi Ri faneleke ku swi endla eka kereke leyi ya ha riki na vutomi eka yona? Ri fanele ku va pfuxa, eka hasahasa ya marito lawa hinkwawo lawa hi nga vulavula hi mayelana na wona, ya vukhongeri, tipolotiki, Hollywood, vuprofeta hinkwabyo bya mavunwa na swilo leswi nga ya ehandle. Exikarhi ka swona hinkwaswo, Rito ra ntiyiso ra Xikwembu ri ta vitana munhu, loyi a nga fela evudyohweni na le milandzwini, ku ya evuton'wini nakambe. Ri fanele ku teka kereke leyi nga wa kutani ri yi vitanelia evuton'wini nakambe. Hakunene!

¹⁰⁶ Tsundzukani, hi ku pfala, ndzi vula leswi, kutani ndzi ta pfala. Yesu u te, "Nkarhi wu ta ta, loko hinkwavo lava nga emasirheni va nga ta twa Rito ra Xikwembu." Kutani mi ya eku Ri tweni. Swi nga ri na mhaka leswaku mi le ka xiyimo xihi, mi ya eku Ri tweni hambiswiritano. Kutani van'wana va vona lava humaka esirheni, va ta ta eku avanyisiweni. Va twa Rito, kambe Ri le ku avanyiseni. Kutani loko mi Ri twa namuntlha, "Namuntlha, endzhaku ka nkarhi wo leha swonghasi, loko mi twa Rito ra Mina, mi nga nonon'hwisi timbilu ta n'wina, tani hilaha mi nga endla hakona hi masiku ya ku pfukana." Kutani loko n'wina, vanhu va Mapentekostal mi tiendlaka ntlawa eka

mikhuva nakambe, emananga, “mi ri na nghohe ya vukhongeri na ku tsan’wa Matimba ya byona,” loko mi nga se boheka ku pfuka eku pfuxiweni ku va mi avanyisiwa, hikuva Rito ra Xikwembu leri vulavulaka na n’wina sweswi hi Rito ri ta mi avanyisa hi siku lero.

¹⁰⁷ Loko ntsena u ri mupfumeri wo kufumela, Rito ra Xikwembu ra rila embilwini ya wena mixo lowu, “U mupfumeri wo kufumela,” swa antswa u hundzuka!

¹⁰⁸ N’wina vavanuna, vavasati, vafana na vanhwenyana, sweswo a hi ku hanyela Kreste, naswona Rito ra Xikwembu ri vulavula na n’wina hi Tsalwa ra Xona naswona ri ri “yimani ku endla sweswo,” swa antswa mi swi endla. Hikuva mi ya eku Ri tweni nakambe siku rin’wana, naswona Ri ta mi avanyisa. Mi ngaka mi nga Ri tsan’wi, Ri le ku vulavuleni na n’wina sweswi. Kutani, tsundzukani, swi kandziyiwiile.

¹⁰⁹ Kutani lava va endlaka leswo lulama na ku twa Rito ra Xona, va ta pfukela eku lulameni, kuya eVukwetsimelweni, kuya eTilwени.

¹¹⁰ Swingaleswi mi ya eku tweni ka Rito ra Xikwembu nkarhi wun’wana. Kumbexani swintsongonyana mixo lowu Ri vulavula na n’wina etimbilwini ta n’wina, leswaku mi fanele ku hundzuka eka tindlela leti mi nga eku ti fambeni, mi hundzukela eka Xikwembu. Sweswi, tsundzukani, va ta kandziyisa Rito lero leri nga eku vulavuleni na timbilu ta n’wina, eTilweni. Kutani siku rin’wana loko Yesu a vitana, kutani hinkwavo lava nga emasirheni, hinkwavo, lavo lulama na lavo biha, va ta pfuka. Naswona rona Rito leri fanaka ri ta hletela ku vuyela eka n’wina, “ePhoenix, Arizona, hi mixo wa Sonto *wo karhi*, loko muchumayeri a mi khomeletile nkarhi wo leha swonghasi, a ri karhi a vulavula hi Rito, Ndzi vulavurile na n’wina; ndzi byela n’wina vavasati ku tshika misisi ya n’wina yi kula, ku tshika ku ambala swa vuahava; ndzi byela n’wina vavanuna ku tshika ku hemba kwaloko, ku dzaha; ndzi byela n’wina vachumayeri ku tlhelela endzhaku eRitwemi ra Xikwembu.” Ma swi vona leswi ndzi swi vulaka? Hi swona sweswo.

Rito leriya ro miyela ri ri, “Swi nga va swi lulamile.”

¹¹¹ Loko a ndzi fanele ku ta kukotisa Nikodema, a ndzi ta tama ndza ha ringeta ku fika kwalahaya. A ndzi ta ya eka Yena, kutani ndzi humela ehandle lahawani emananga kun’wana, kutani ndzi ku, “Hosi Xikwembu, hi mina loyi, ndzi cince sweswi. Ndzi vumbe hi fexeni ya Wena.” Vuyelani eRitwemi. Kun’wana laha mi swi vonaka leswaku mi le ku sukeni eRitwemi, vuyelani endzhaku eka sweswo, hikuva nketani yi tiyile swinene laha yi tsaneke kona. Naswona kun’wana na kun’wana evuton’wini bya n’wina laha mi nga sukela milawu ya Xikwembu kona, ku tirhela ndhavuko, hi kona laha nketani ya n’wina yi nga ta tsemeka kona swi nga ri na mhaka leswaku mi tiyile ku fika kwihi eka

nchumu lowun'wana. Khomelelani evokweni leri nga cincekira Xikwembu.

¹¹² A hi khongeleni. Namuntlha, endzhaku ka nkarhi wo leha swonghasi, Hosi, U virile leswaku U ta vulavula, U ta tsala milawu ya Wena ehenhla ka matafula ya timbilu. A ndzi swi tivi leswi nga yima emahlweni ka mina. Nchumu wun'we ntsena lowu ndzi tivaka ku wu endla i ku teka Rito ra Wena kutani ndzi Ri hangalasela ehandle, hakunene Ri ta tshama ehansi ka maribye kun'wana. Ndza khongela, Xikwembu, leswaku U ta vulavula na muntshwa un'wana na un'wana, un'wana na un'wana wa malembe ya le xikarhi, mudyuhari, hambi ku nga va mani. Vulavula na mbilu ya mina, Hosi. Vulavula na timbilu ta vachumayeri lava. Vulavula na timbilu ta nhlengeletano.

¹¹³ Ha khongela, Tatana, leswaku namuntlha hi ta twa Rito ra Wena. Naswona ha swi tiva, tani hilaha a swi ri hakona hi masiku ya Samuel, xivono lexi nga pfuleka i nchumu wo kala, naswona xi hlamarisile vanhu. Swingaleswi swi tano namuntlha. Hi na milorho na valorhi, hi na swivulavuri na vatoloki, kambe xivono lexi humelaka ehandle na Rito ra Hosi, na ku lulamisa... Ha khongela, Tatana wa le Matilwени, leswaku Rito lero leri a ri ri karhi ri huwelela emananga, "Lunghisani ndlela ya Hosi," laha hi pfumelaka leswaku Moya lowo Kwetsima wu nyika Rito leriya nakambe namuntlha, "Lunghiseli ku Vuya ka Hosi!" Kutani hilaha Ri nga tolrevelekangiki hakona, hikuva ku na marito man'wana yo tala swinene yo Ri titivata na ku Ri humesela ehandle, kambe Ri na tintswalo etindleveni ta lava va Ri twaka. Ndza khongela leswaku Moya lowo Kwetsima sweswi wu ta endla ntirho etimbilwini ta hina hinkwerhu.

¹¹⁴ Kutani loko ha ha korhamisile tinhloko ta hina, ndza tshembha leswaku timbilu ta hina ti korhamile: Loko mi swi tiva leswaku mi a le ku yingisa evuton'wini bya n'wina, mi tiva Matsalwa mo karhi, leri mi swi tivaka leswaku i dyondzo ya Bibeleyi mi nga tirhisanganiki na rona, hikuva swin'wana, rito ra Hollywood ri mi endlile leswaku mi endla swin'wana swo hambana. Ndhawu yin'wana leyi n'wina vachumayeri mi nga kuma ndhawu eBibeleni, leyi kahle-kahle yi nga Ntiyiso, kambe ma swi tiva leswaku vandla ra n'wina ri ta mi humesela ehandle loko mi dyondzisa Sweswo, naswona ma swi tiva leswaku i Ntiyiso hi ku hetiseka. Eka n'wina vanhu lava tekaka nchumu wo hoxeka, mi hanya vutomi byo hoxeka. N'wina vatatana na vamanana lava nga riki eku ringetenka ku lulamisa vana va n'wina, lava nga riki ku ringetenka ku va kurisa. Mi nga ha ringeta hi matimba ya n'wina, naswona va le kuyeni eka swa misava hambiswiritano, kambe mi le ku vekeni ka xikombiso emahlweni ka vona. Kutani loko mi nga ri eku swi endleni, Rito ra Xikwembu ri le ku vulavulenai na n'wina, "Mi nga swi endlisweswo."

¹¹⁵ Kutani sweswi loko tinhloko hinkwato ti korhamisiwile na mahlo hinkwawo ya pfariwile, naswona ingaku Xikwembu xa Matilo xi nga langutisa ehansi embilwini ya munhu yaloye leyi nga eku tweni ka ndlala na ku kuma ndhawu leyi va nga hoxisa kona. Naswona hi voko leri nga tlakuseriwa eka Xikwembu, a ku, “Hosi, i ntiyiso ndzi navela ku va Rito ra Wena ri humesa ku kala ku pfumela hinkwako, na hinkwaswo swilo leswi nga kotisiki Wena, kutani u ndzi endla leswi U lavaka leswaku ndzi va swona.” Xana mi nga yimisa mavoko ma n’wina, loko ma ha . . . ? Hosi yi mi katekisa. Xikwembu xi mi katekisa.

¹¹⁶ Kutani Bibele yi te, Yesu u te, naswona hambi leswi ku nga na marito laman’wana hinkwawo, “Hambiswiritano loko munhu a nga twa Rito ra Mina.” Landzelani hi le ndzhaku ka Yena, mi ya eku kumeni ka ku navela ka n’wina.

¹¹⁷ Hosi, nkarhi wu le ku heleni. Kambe Bibele yi vurile leswaku, “Tani hi vo tala lava va nga pfumela, va khuvuriwile.” Ndza khongela, Tatana wa le Matilweni, leswaku un’wana na un’wana wa lava nga yimisa mavoko ma vona hi ku tivula ka ntuyiso, leswaku Rito ra Xikwembu leri va nga ri hlaya, na ku vona leswaku a va hoxisa. A ndzi kalanga ndzi langutisa eka hafu ya vona. A hi swa mina ku langutisa, i swa Wena ku langutisa, Hosi. U tiva nsusumeto na xikongomelo lexi nga endzhaku ka voko leri nga yimisiwa. Va pfumeleli, ku sukela eka awara leyi, ku kunguhata etimbilwini ta vona, “Ku sukela siku leri, ku ya emahlweni, ndzi ta teka Tsalwa ra Xikwembu na Rito ra Xikwembu, kutani ndzi Ri landzela swi naga ri na mhaka leswaku nxavo i yini.” Kutani va rhwala emiehlekeweni ya vona, loko va ri karhi va famba, risimu ra muphati, “Xana Yesu u fanele ku rhwala xihambano a ri yexe, kutani misava hinkwayo yi famba mahala? Ee, ku na xihambano xa un’wana na un’wana; ku na xihambano xa mina. Naswona xihambano lexo hlawuleka ndzi ta xi rhwala, ku kondza rifu ri ndzi ntshuxa.” Kutani loko Rito ra Xikwembu ri vulavula, “Ndzi ta humelela eku lulameni ka Xona, hikuva ndzi landzerile Rito ra Xona, Rito ra Tsalwa ra Xona.” Ndzi va nyiketa eka Wena sweswi, Hosi, hi Vito ra Yesu Kreste.

¹¹⁸ Sweswi loko ha ha korhamisa tinhloko ta hina, n’wina mi ri karhi mi endla ku tivula ka n’wina na xitshembhiso xa n’wina. Ndzi hlamala xifanyetana lexi nga tshama lahwani, xi nga eku soholeteni ka nhloko ya xona. Naswona ku na Rito ra kereke, “Hi mina Hosi Leyi horisaka vuvabyi hinkwabyo.” Lero i Rito ekerekenei. Kutani hinkwenu n’wina mi nga na xilaveko xa ku horisiwa, naswona mi ri karhi mi hanya vutomi byo hlawuleka eka Rito rin’wana na rin’wana ra Xikwembu leswaku ma swi tiva leswi nga lulama, naswona mi na xilaveko xa ku horisiwa, ndza tivutisa loko ntsena mi nga yimisa mavoko ya n’wina. Yimisani mavoko ya n’wina, “Hosi, ndzi na xilaveko xa ku horisiwa.” Swi lulamile.

¹¹⁹ Sweswi, hlayisani Rito lero etimbilwini ta n'wina, "Hi mina Hosi leyi horisaka vuvabyi hinkwabyo." Tsundzukani, loko Rito ri vuriwile, Ri ta fanela ku humelela. Yesu u vurile, Mark 11:22, "Loko mi nga ku eka ntshava leyi, 'Suka,' kutani u nga kanakani embilwini ya wena, kambe u pfumela leswaku leswi u swi vulaka swi ta humelela, u ta kuma leswi u nga swi vula."

¹²⁰ Sweswi, un'wana na un'wana hi ndlela ya wena n'winyi sweswi, korhamisa nhloko ya wena, u endla ku tivula ka wena, "Hosi, Ndzi pfumela Tsalwa ra Wena. Ndzi twa Rito ra Wena ri ndzi byela leswaku Wa ha ri yaluya wa tolo, namuntlha, na hilaha ku nga heriki." Ndzi ta rhelela ndzi ya tlhandleka mavoko ehenhla ka n'wana loyi, hikuva wa ha ri ntsongo swinene ku va a tiva leswaku swi hi mayelana na yini, xifanyetana xo xonga, kwalomu ka xiyimo na malembe ya Joseph wa mina lontsongo. Kutani ndzi lava leswaku hinkwenu ka n'wina mi va eku khongeleni, eku khongeleni, "Hosi, ndzi twa Rito ra Wena. Ndza pfumela."

¹²¹ Tatana wa le Matilweni, hi le ku tiseni ka vayingiseri lava eka Wena hikokwalaho ka ku horisiwa ka mimiri ya vona. Naswona, Hosi, lahwani ku tshamile mbuyangwana n'wana lontsongo, a ri karhi a koka rinoko ra mina hinkwako eku fambeni ka Hungu, ku vona mutswari a tshamile lahaya a tlakurile nakolorhi lontsongo. Hi sayense ya swa vutshunguri, ku hava ntshembho eka nakolorhi lontsongo. Ku na Rito ra Xikwembu leri khandziyaka ehenhla ka swilo hinkwaswo. Kutani tani hi leswi kereke leyi yi nga hlangana kun'we ku endla nawu wun'wana na wun'wana lowu ndzi tivaka ku wu endla, leswi nga sala swi wela eka Wena, Tatana. Ndzi le ku rheleleni na ku tlhandleka mavoko ehenhla ka n'wana yaloye.

¹²² Xikwembu Tatana, hi Vito ra Yesu Kreste, ndzi tshinya leswi. Pfumelela matimba ma Xikwembu, ku horisa ka Xikwembu... Ingaku ku nga va na ku hambana ko tano eka yena eka ntlhanu wa timinetse leti landzelaka. Ingaku hinkwavo va nga ta eka Xikwembu, hikokwalaho ka ku kwetsima ka Wena.

¹²³ Tatana wa le Matilweni, U nyiketile xitshembhiso. Hi sweswo ntsena leswi ndzi swi tivaka, U nyiketile xitshembhiso. Xi endliwile, tani hilaha xi nga vuriwa hakona, "Loko u ku eka leswi," kutani ndzi le ku byeleni ka dimoni rin'wana na rin'wana ra vuvabyi kumbe ku vaviseka loku ku bohaka vayingiseri lava, loku ku bohaka vanhu lava, moyo wun'wana na wun'wana wa ku kala ku pfumela, ndzi ri, "Sukani eka vanhu, hi Vito ra Yesu Kreste!" Sweswi, ha swi tiva leswaku swi tsariwile, naswona sweswi swi vuriwile, a swi endleke, eku xiximiweni na ku kwetsima ka Xikwembu. Naswona hi Vito ra Yesu Kreste swi komberiwile.

¹²⁴ Sweswi, n'wina lava nga ta pfumela, na kuva mi pfumela, swi nga ri na mhaka leswaku ku humelela yini, a swi bohi ku

va tano, mbewu yi werile lahaya. Nchumu lowuya wuntsongo endzeni ka n'wina, Rito lero. Mutsvari wa n'wana loyi, swi nga ri na mhaka leswaku xiyimo xa n'wana i yini, wa pfumela leswaku mbewu ya Xikwembu yi werile endzeni ka mbilu ya wena, leswaku mufana yaloye u ta hola? Hinkwenu n'wina mi nga sala mi le ku khongeleni, un'wana eka un'wana, xana ma pfumela leswaku mbewu ya Xikwembu yi werile etimbilwini ta n'wina, “vuvabyi bya mina byi herile”? Kutani xikhongelo xa ripfumelo xi khongeleriwe n'wina, belelani mhandzi yaleyo. Kutani loko Sathana a tshuka a ringetile, mi vuyela endzhaku, “Ku yima ekerekeni liya ya Spanish, hi mixo wa Sonto luwa, xikhongelo xa ripfumelo xi khongeleriwe mina. Naswona Xikwembu xi tshembhisile!” Xikhongelo xa ripfumelo xi ta ponisa vavabyi naswona Xikwembu xi ta va pfuxa. Swi fanele ku humelela. Xana ma swi pfumela? Mi nge, “Amen.” [Nhlengeletano yi ku, “Amen.”—Muhleri.] Xikwembu xi mi katekisa. Sweswi ndzi ta tlherisela ntirho eka Makwerhu Rose, ndza tshembha lahwani, Makwerhu Jewel Rose.



RITO RA XIKWEMBU EKA MASIKU LAWA YO HETELELA TSO63-0120M
(The Voice Of God In This Last Days)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Sunguti 20, 1963, e Apostolic Church ePhoenix, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org